

Kadhannaa guyyoota kudhaniif qom- qabaa jiru

Yesuus akka kadhannuuf qofa utuu hin taane fedhii hafuuraa fi qaamaa warra naannoo keenyaaf akka hojjennuuf nu waama. “Beela'een ture, nyaata anaaf kennitaniittu; dheebodheen ture, 'dheebuu na baaftaniittu; orman ture, akka mana keessaniitti na simtaniittu. Qullaa koo ta'een ture; daara na baaftaniittu; dhukkubsadheen ture, na gaafattaniittu; hidhameen ture gara koo dhuftaniittu' jedhe.” (Maat.25:35, 36)

Kitaaba Tajaajila fayyisuu keessatti akkas kan jedhu dubbifna, “Nuyi jireenya dachaa lama jiraachuu qabna – jireenya gochaa fi yaadaa, kan kadhannaa callisaa fi kan kutannoo hojii” (Fuula 512). Nuyi fayyisaa keenya biraa jaalala guddaa fudhane, akkasuma immoo michoota, hollootaa fi galaa (keessumoota) rakkina keessa jiranii wajjin jaalala sana hirmaachuuf carraa qabna.

Kadhannaa guyyoota kudhanii booda waldaan keessan attamittiin warra kaaniif hojjechuu akka dandeessu Waaqayyoon gaafadhaa. Hojii tajaajilaa qindeessuuf yeroo hojjetan kana qindeessuun kadhannaa irraa isin hambisuu isaa dhabamsiisaa. “Dhamaasuun dhuunfaa warra kaaniif godhamu kadhannaa dhoksaa hedduutiin durfamuu qaba, sababni isaa saayinsii lubbuu fayyisuu hubachuuf ogummaa guddaa gaafata. Utuu namootaa wajjin wal hin quunnamin Kiristosiin quunnamu. Namoota tajaajiluuf teessoo ayyaana samii jalatti qophaa'ummaa godhadhu.” (Prayer, p.313).

Karaan ittiin warra kaan gargaaran muraasi kunooti. Fedhii hawaasa keessaniif ta'u kamiin illee filadhaa, yaada ofii keessanii itti dabalufis biliisummaan isinitti haa dhaga'amu.

- Nama dhukkubsate tokkoof nyaata tolchaa.
- Walitti qabama hawaasaa keessatti ollaa/ nama waliin hojjeetan hafeera.
- Nama mana hin qabneef nyaata kennaa.
- Nama uffata kennuufii barbaaddaniif uffata kennaa.
- Nama dulloome “ofitti fuudhaa.”Haala wal irraa hin cinneen nama sana daawwadhaa, akkasumas hojii mana keessaan, suuqii dhaquudhaan, nyaata bilcheessuudhaan yookiin hojii man duubeetiin gargaaraa.
- Daabboo muraasa tolchaatii hoollaa keessanii wajjin qooddadhaa.
- Projectii hollaa keessanii gargaaraa.
- Namni isa kunuunsu gara hojii adeemuu akka danda'u nama dhukkubsate yookiin warra qaamaa hir'uu wajjin turaa.
- Projectii ollaa keessatti hirmaadhaa.
- Hollaa haaraaf nyaata geessuudhaan ofii keessan beeksisaa. Hollummaatti simatamuun akka isatti dhaga'amu godhaa.
- Groceries bitaati maatii rakkatoof kennaa.

- Kalaalaa/ marayaa keessan isa moofaa kennaa.
- Qorannaa Macaafa Qulqulluu kennuuf of kennaa.
- Namoota manatti hoosisan daawwadhaa.
- Barataadhaaf horii ittiin “nyaata” muraasa kenni.
- Warra dhabaniif uffata walitti qabi. Uffata saanduqa waldaa keessa jiru irraa warra kaaniif hiruu jalqabuu dandeessa.
- Laap toopii yookiin meeshaa elektroniksii biraa kan dulloome kennaa.
- Konkolaataa itti fayyadamtan kennaa.
- Agarsiisa fayyaa qindeessi.
- Nama mana keessaa ba’uuf carraa hin qabneef Kaardii ergaa.
- Yaalii wangeelaa qindeessaa.
- Hollee keessaniif bilbiluudhaan attamitti akka turan gaafadhaa.
- Kitaaba isaan in jaallatu jettee yaaddu nama tokkoof kenna.
- Barreefama xixiqqoo nama gammachiisan tamsaasa (marsartii kanaan ajajaa <http://www.glowonline.org/>).
- Namni tokko Yesusiin akka fudhatuuf hafeeraa
- Mana barumsaa nyaata bilcheessu fudhadhaa.
- Macaafota waa’ee mata duree Macaafa Qulqulluu dubbatan hiraa
- Nama firri isaa duraa du’eef nyaata geessaa.
- Nama hospitaala jiru karaa tokko jajjabeessuuf yookiin gargaaruuf dhaqaa quunnamaa
- Nama dulloomeef dubbisaa
- Mana daa’imman keessa jiran daawwadhaatii nama wajjin hojjettaniif gargaarsa kennaa
- Uffata namaaf hiruuf garee uffata hodhan/ suphaan qopheessaa
- Nama arguu yookiin dubbisuu hin dandeenyeef sagalee ol fuudhaa Macaafa Qulqulluu dubbisaa
- Dargaggoota halkan mana keessanitti walitti qabaa
- Nama miidhameef da’oo (mana) kennaa
- Mana daa’imman keessa jiraniif mana yookiin kitaaba kennaa
- Waldaa keessaa daa’imman fuudhaatii mana nama dulloomee wajjin daawwadhaa, sagantas isaaniif kennaa.
- Ijoollee rakkina qabanii fi maatii isaaniif guyyaa gammachuu karoorsaa, walitti qabaas.
- Guyyaa itti hawaasa keessatti hojii qulqulleessuu hojjetan qabaadhaa’

- Waldaa keessan keessatti gumii jireenya fayyummaa jalqabaa, isa irratti immoo michootaa fi firoota hafeeraa.
- Ergaa hafuuraa DVD tiin qophaa'ee daawwachuu kee keessatti namni si wajjin hirmaachuu jaallatu akka jiru gaafadhu. Yeroo walii wajjin dawwattan akka Hafuurri Qulqulluun onnee nama sanaatti dubbatuuf kadhadaa.
- Projektii mataa keessanii qopheessaa.

Dhuga baatii irratti wantoota dabalataa argachuuf marsariitii kanaan quunnamaa
www.revivalandreformation.org/resources/witnessing.